



Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 23/11/2021

**Här President,**

**Sou wéi den Artikel 81 vun eisem Chambersreglement et virgesäit, bieden ech Iech, dës dringend parlamentaresch Fro un d'Ministesch fir Gesondheet weiderzeleeden.**

De leschte Freiden, den 19.11.21, huet d'Regierung hiren Accord ginn, dass all Erwuessenen zu Lëtzebuerg sech ka "boostere" loossen, d. h. eng gratis Optrëschung vu senger Covid-Impfung kréie kann. Den Zäitpunkt vun der Booster-Impfung soll 6 Méint no der leschter Impfung leien. Eng nach net peer-reviewed Etüd aus Schweden mam Titel "Effectiveness of Covid-19 Vaccination Against Risk of Symptomatic Infection, Hospitalization, and Death Up to 9 Months: A Swedish Total-Population Cohort Study" wéisst, dass d'Impfstoffer awer deelweis scho virum 6te Mount staark un Effektivitéit ofhuelen. Virun allem beim Vaccin vun AstraZeneca wier schonn no 4 Méint kee Schutz virun Infektiounen méi moossbar (während de Schutz virun engem schweiere Verlaf awer Bestand huet). BioNTec läit zum Vergläich no 4 Méint no der 2ter Dosis nach bei ongeféier 50% Schutzwirkung géint eng symptomatesch Infektioun .

An deem Zesammenhang wéilt ech der Ministesch dës Froe stellen:

1. Huet de Ministère Kenntnis vun der genannter Etüd?  
Wéi schätzt si d'Fiabilitéit vun de Resultater vun de Fuerscher an?
2. Falls d'Ministesch an hir Beroder d'Resultater vun dëser Etüd als fiabel aschätzen, soll den Zäitpunkt vun de Booster-Impfungen fir Persounen, déi mam Vaxzevria-Vaccin geimpft goufen, net deemtsprechend no ënnen ugepasst ginn?
3. Falls d'Ministesch um Delai vu 6 Méint festhält, kann si Erklärungen (Studien) ginn, déi den Delai vu 6 Méint erklären?
4. Falls d'Ministesch an hir Beroder d'Resultater vun dëser Etüd als fiabel aschätzen, wäert dës een Afloss op de Covid-Check Regimm hunn?

Mat déiwem Respekt,



[www.piraten.lu](http://www.piraten.lu)



GOERGEN Marc

Député



[www.piraten.lu](http://www.piraten.lu)